

18 Desember 2021 - Lesing 15 - Die verskuilde “donkie/esel” simboliek vir die Dogter van Sion in Elohim se Woord

2006 – Jaar van werk in die wingerd

Hierdie volgende jaar was gekenmerk deur wonderlike seëninge van ons Hemelse Vader, nadat ons die volgende opdragte van JaHshua letterlik opgeneem het en daadwerklik die koninkryk van God met geweld begin nader trek het. **Matthéüs 24:45-46:**

45 WIE is dan die getroue en wyse dienskneg vir wie sy Meester oor Sy diensvolk aangestel het om hulle hul voedsel op tyd te gee?

46 Geseënd is daardie dienskneg vir wie sy Meester, as Hy kom, op hierdie manier besig sal vind.

47 Voorwaar Ek sê vir julle, Hy sal hom oor al Sy besittings aanstel.

Dogter van Sion het betrokke begin raak met die voeding van die volk. Sopkombuise in Danville en Elandspoort is opgerig. Kospakkies vir minderbevooregtes is uitgedeel. Op die grond self is 50 (nou al sowat 520) behoeftige mense gehuisves in tente en wendie-huise. Elke oggend het ons geleentheid gehad om ook geestelike voedsel uit te deel. Skrifstudie lesings in die oggende het hulself baie vrugbaar getoon. Mense het werklik die woord begin eet. Hier moet ons byvoeg dat daar ook geen tekort aan duiwels was nie. Die was volop, maar as mens diamante soek, moet jy bereid wees om vele hope gruis deur te werk alvorens jy een diamant gaan kry. Hierdie opdrag was so ernstig op ons harte gedruk, want die volgende skrifgedeelte is `n groot aanklag teen die hele volk. **Matthéüs 25:31-46.**

31 EN wanneer die Seun van die Adam in Sy Glansrykheid kom en al die Apartes [en] Boodskappers saam met Hom, dan sal Hy op Sy glansryke Troon sit;

32 en voor Hom sal al die nasies versamel word, en Hy sal hulle van mekaar afskei soos die herder die skape van die bokke afskei;

33 en Hy sal die skape aan Sy regterkant en die bokke aan Sy linkerkant sit. [JeséjiEl 34:20]

34 Dan sal die Meester vir die wat aan Sy regterkant is, sê: Kom, julle geseëndes van My VADER, beërf die Koninkryk wat vir julle berei is van die grondlegging van die wêreld af 35 Want Ek het honger gehad, en julle het My te ete gegee; Ek het dors gehad, en julle het My te drinke gegee; Ek was 'n vreemdeling, en julle het My herberg gegee;

36 Ek was naak, en julle het My geklee; Ek was siek, en julle het My besoek; in die gevangenis was Ek, en julle het na My gekom.

37 Dan sal die regverdige Hom antwoord en sê: Meester, wanneer het ons U honger gesien en gevoed; of dors, en te drinke gegee? 38 En wanneer het ons U 'n vreemdeling gesien, en herberg gegee; of naak, en geklee? 39 En wanneer het ons U siek gesien of in die gevangenis, en na U gekom?

40 En die Meester sal antwoord en vir hulle sê: Voorwaar Ek sê vir julle, vir sovêr julle dit gedoen het

aan een van die geringstes van hierdie broers van My, het julle dit aan My gedoen.

41 Dan sal Hy ook vir dié aan Sy linkerhand (bokke) sê: Gaan weg van My, julle vervloektes, in die ewige vuur wat berei is vir die Satan en sy boodskappers.

42 Want Ek het honger gehad, en julle het My nie te ete gegee nie; Ek het dors gehad, en julle het My nie te drinke gegee nie. 43 Ek was 'n vreemdeling, en julle het vir My nie herberg gegee nie; naak, en julle het My nie geklee nie; siek en in die gevangenis, en julle het My nie besoek nie.

44 Dan sal hulle Hom ook antwoord en sê: Meester, wanneer het ons U honger gesien of dors of 'n vreemdeling of naak of siek of in die gevangenis, en U nie gedien nie?

45 Dan sal Hy hulle antwoord en sê: Voorwaar Ek sê vir julle, vir sovêr julle dit nie gedoen het aan een van hierdie geringstes nie, het julle dit aan My ook nie gedoen nie.

46 En hulle sal weggaan in die ewige straf, maar die regverdige in die Ewige Lewe.

Hier is dit baie duidelik wie `n skaap is en wie `n bok is. As jy vir Sy kinders omgee, hulle voed, klee en help uit hulle gevange toestand, is jy `n geseënde skaap wat die ewige lewe sal beërwe, **want Hy, JaHshua rig Sy troon in JOU op!**

Indien jy dit nie wil doen nie, is jy `n bok, en sal die afwesigheid van JaHshua-Liefde in jou, jou ewige voorland wees. - Totale Godverlatenheid! Niemand kan verby hierdie vers kom nie. Dis duidelik, reguit en op die man af. Ja, verseker is dit uiteindelik geestelike kos, -klee en -genesing wat gegee moet word, maar hoe sê jy vir iemand wat drie dae laas geëet het, dat jy nou God se woord aan hom bring. Hy vloek jou en jaag jou weg, want hy is honger. Na maande se onbaatsugtige fisiese kosvoorsiening sal hy jou vra hoekom jy dit doen. Dan sê jy: Omdat die liefde van JaHshua wat in my is, en wat ek vir jou het, dit van my vra. Dan eers begin jy die geestelike kos stadig en smaaklik aanbied.

Baie groeperings in hierdie land beskou hulle as die uitgesoekte en uitverkore groepe van Vader, maar doen weinig of geen dienswerk soos hierbo genoem, in die Boerevolk nie. In baie van hierdie groeperings loop selfaangestelde leiers rond wat hulleself waan om die bruin pad of die grys pak te dra. Raak egte eers nederig, raak `n kelner vir die geringstes onder jou volk, voordat jy jouself dalk te hoog aanslaan.

16 Desember 2006 – Die nuwe Gelofte

Hierdie Geloftefees op 16 Desember 2006 was weereens by Kameeeldrif 225 gehou, en al drie Geloftes is gelees, die 1838, die Dogter van Sion-Boek van Herinnering-gelofte en die Dogter van Sion Nuwe Huis-gelofte. Dit het spontaan gebeur, nadat ons besef het dat ons Vader hierdie laaste Gelofte geseën het. Die huis was nou funksioneel en mense het weekliks

ingestroom na hierdie huis, waarvan ons die deure per gelofte vir Sy kinders oopgehou het.

Die res van 2006 en 2007 was gekenmerk deur wonderlike geestelike openbaringe wat na ons toe gekom het. Die grootste deel van die Lorberboeke se vertaling was afgehandel, so ook die meeste van die Bertha Dudde werke wat vanuit Hollands na Afrikaans vertaal is. Gedurende hierdie tyd open Dogter van Sion nog 'n webwerf, **www.nuweopenbaring.co.za** waar al die direkte openbaringe van ons Vader geplaas word. Al die boeke word gratis in elektroniese formaat beskikbaar gemaak. Honderde mense begin die webwerf maandeliks besoek en die nuwe openbaring begin nou wêreldwyd bekend te raak.

Die wonderlikste gebeurtenis het egter die oggend van 30 Julie 2007 plaasgevind, toe Judith de Beer, die innerlike stem van ons Vader hoor. So gee Hy toe die eerste direkte boodskap deur na Sy nuwe Dogter van Sion Volk, in die Boerevolk in Suid-Afrika. Een van die mooistes, gegee op 6 Julie 2007 en die gedeelte lees as volg.

Uittreksel uit openbaring 41: ... Maar nog altyd in My wysheid het Ek trou 'n oorblyfsel bewaar en onder julle volk het 'n geringe groepie 'n nuwe skriftelike ooreenkoms met My aangegaan en in hierdie nuwe skriftelike kontrak lê die hoop en opstaan van julle volk.

Hierdie ooreenkoms kon net die Nuwe Gelofte wees, die een wat op 22 September 2003 afgelê is vir die eerste keer en wat onder die eikeboom bevestig is met 'n klipstapel. Die een wat Hy op wonderbaarlike wyse bevestig het met 'n **verdorde ou eikeblaartjie**.

Hoe wonderlik is hierdie bevestiging nie! Dankie Abba Vader, dat U die Dogter van Sion nog 'n kans gegee het in 1997, dat u mis gegooi het op hierdie boom, dat u hom nie uitgespit het nie, dat U hom voortdurend onderhou het, 49 keer daarna te Bloedrivier en Kameeldrif 225, daarna die 50ste keer as vrylating en ons daarna as volwaardige eie boom, op 22 September gevestig. Dankie, dankie, dankie. Amein.

Die laaste beloftes wat voor die Wederkoms moet in vervulling gaan

Vir elkeen wat nog in sy of haar blindheid nie weet wat hulle te doen staan in die donker toekoms van ons volk nie, hou op om u te bekommer, begin te juig en te jubel, want u is Dogter van Sion, die gekose een, en daar is verlossing belowe, beskerming in die

verwoestende tye wat voorhande is. Weet dat dit donker tye is wat wag op elkeen, daar is 'n onge-looflike natuurfratse, pes-siektes, Uhuru-nag, atoomoorlog, en 'n verskriklike Antichris-heerskappy wat voorlê. Maar u sal beskerming geniet, maar SLEGS deur die inhoud van hierdie EEN VERBOND, want daar is maar Een Sionskind gebore en nie meer nie. Dit sê nie ek nie, maar ons Hemelse Vader sê dit vir ons in **Openbaring 120** aan Judith de Beer, gegee op 20 September 2007.

Wee die valse vrug

*Salig is die eerlike onvrugbares wat hulself **besig hou met goeie werke** wat gebore is uit waarheid en gees. Dit is beter om kinderloos deur die lewe te gaan, as om 'n **giftige vrug**, as gevaar vir ander se lewe te baar. In wellus wil die leuen vir haarself 'n kind verwek en in die wieg van die waarheidskind, wil sy haar telg neerlê. As 'n enkel suiwer vrug, **is klaar My Sionskind gebaar** en wee die valse saad, wat in sy plek wil staan en Natan sal Ek stuur om die gruwel oop te vlek en in die valse moederskoot sal die onsuier fetus sterf. **Die waarheid sal die leuen ontbloot, wee daarom die valse skoot.***

1 Kronieke 17:3

3 Maar in dieselfde nag kom die Woord van Elohim tot **Natan** en sê (vir Dawid):

*9 en Ek sal vir My volk JisraEl 'n **plek bestel en hom plant**, dat hy op sy eie plek kan woon en nie langer verontrus word nie. En kwaaddoeners sal hom nie meer mishandel soos vroeër nie,*

*10 naamlik van die dae af dat Ek Rigters oor My volk JisraEl aangestel het; en Ek sal al jou vyande verneder. Daarom gee Ek jou te kenne dat JaHWeH **vir jou 'n Huis sal stig.***

11 En as jou dae vol is om heen te gaan saam met jou vaders, sal Ek jou saad wat uit jou seuns sal wees, laat optree en sy koningskap bevestig.

*12 **Hy sal vir My 'n Huis bou, en Ek sal sy troon bevestig tot in ewigheid.***

*13 **Ék sal vir hom 'n Vader wees, en hy sal vir My 'n seun (Melgisedek-Priesterorde) wees, en My Medelye sal Ek van hom nie onttrek soos Ek dit onttrek het aan hom wat voor jou gewees het nie.***